



刻南門先生續集序



吾師南門先生以太倉豪雋學端軌範行格神明承累世家學淵源分教吾嘉其詳載在南門伯子前集道也領教有年既與同門友李子輝捐金刻其後集矣廼今秋闈獲捷歸拜於函丈下再請他稿而讀之則益歎其鏗金戛玉有一息不忍離手者不覺撫然作而言曰嗟乎今而後知海內之有奇才名筆也何則變態入風雲機軸回造化唾咳落珠璣著述日出諸體具備譬之春蠶作繭遇物象形而肖貌若此者豈惟今之擅名騷壇鏤心銘肺而未能成一家也

哉稽諸古人亦有難兼其美者是故杜少陵聖於詩
為古今獨步而竟掩其文遂有村夫子之譏韓昌黎
文起八代之衰而城南鬪雞等聯句議者謂出於老
孟郊筆削之功宋之曾南豐蘇東坡文雄一世然皆
拙於賦詩而山谷詩騷妙天下其散文頗覺瑣碎局
促迨乎詞調之興自漢而下不減數百家惟淮南秦
少游氏為絕倡然則兼而有之者古今人信乎其不
可多得矣吾師之為文也追逐先秦兩漢殆幾於出
入班馬而衙官建安以下者興而為詩則眇六朝薄
晚唐直追盛唐三昧若郊寒島瘦元輕白俗輩屑與

之翱翔兩駮也耶又出其餘而為詞為樂府雖若不
經着意卒無一忽句苟字而乎曷悉按前代截然律
宣呂和亦無愧於唐人花間集馬蓋其瓊醇雅正為
一時文章冠冕誠得諸體之全而集文章家之大成
彼得其一未得其二長於此而或短於彼者固未可
窺其藩籬也愚因曰讀師之文而不知所寶者昧也
知所以寶而不知公於人者私也知所以公之而不
知所以傳諸梓者隘也道幸弗昧然又弗敢私且隘
謹再捐資以償鋟梓之直願與海內知言者共珍異
之不識凡諸博雅肯以道為知言否乎

嘉靖辛酉季冬上浣吉日門人王道頓首百拜撰

南門仲子續集卷上目錄

詠古二十四首

仲春八日訪陸叔平不遇畱題海棠下二首

觀北濠顧氏紅鸚鵡 老僕泣故舟歌

三月雪裏桃花鄭子感所見請賦

狂風

魏公歌

草堂

萬國

與徐子茂投宿夷亭毛氏

勞於文役聊以解嘲 送熊從吾遷將樂教諭

間居

送詹事毛主簿

題城西燕圖

蜀道歌送黃公之馬湖

次韻報尚書林公為碧筠金文

東塘雙鷺歌

聽王子彈琴

皇甫丈輓歌

奉酬邊參府入報本寺見予詩字索賦

魯橋信宿

歷東平州東阿縣

感馬詠

讀岳集詩

喜久病瘳獲生月餘復聞舍弟病瘦甚

寒夜燕宗吏部第

春暫南還畱贈郭職方

胡公持竊桃圖壽顧父

即事一絕

燕田氏東園

寄侍郎顧舅二首

題王大史草堂

武將軍輓詩

喜雨

秣陵

聽胡公談借漁事

癸丑秋領南畿賓貢

奉贈郡守林公

將入京次前韻畱別諸兄友

顧兩公歌

壽戴菊賓

洞山

見清波志喜

南旺

過張秋

東昌牧牛婦

醫周起王德卿子却金受詩

贈山陰彭子

八月十六夜呂日潛舟

郭孺人輓歌

柳公桃源舟中對酒值風沙作

贈田永春

柔英

斜月

感女妝

午飯龍山僧舍

哭龍嶽陳子

送教授東坪裔公擢重慶通判

李將軍燕出歌者李汝蓮即席贈

張翰林毛郡守王按察相繼至按察翰林復攜

酒肴因報張按察同話

皇甫伯子蜀道騎馬歸

月下分繫數紅蓮燈於玉梅枝益增勝觀

送丘子還壽其母

鍾子自閩至婁上送藥陳少參懷母別歸

贈東郭潘陳兩公

寄岑林宋孫四先生

郡人冊画重湖冰玉索贈通判張公二首

壽臨淄蔡公

京口夜泊覽勝有懷

張都水顧刑部沈儀制毛右府董中府諸公兢

駕招燕右府儀制復畱信宿并賦謝章

燕葉京北官舍

送將軍文子守鄱陽

顧君求賦

思南守宗兄新堂燈燕枉招賦贈

沈賓石官受道正東歸所建新祠

寄劉兵部先生二首

酬董子元九寄

題州守孫公交翠堂

贈秀水張侯

越游三記歌

送顧君東還

客途偶憶侍郎王兄子崇語

舟禱紀異

舟中呈季使君

平湖馬沈二子索壽賓洲公

丈人篇四首壽介菴金公九十

賓興燕奇遇歌

太府侯公欲請施老與鄉飲因感昔事訪之

燕坐有懷王民熙

戊午秋試郡城三學中式七人茲辛酉秋倍之

志勝

詞附

以下詞多次古今人韻

慶春宮一首

元夕次韻為周仰峯作

滿江紅八首

元宵

贈仰峯公

贈午江按察

仙

釋

閨清

自述

題雁

小重山二首

贈東川沈君

鎮洋山亭小集

風流子三首

送鳳南公

吳門

贈仰峯公

燕春臺二首

春意

風入松一首

午江按察園亭陪仰翁夜燕同作

滿庭芳七首

賞海棠

賞牡丹

過仰公官第畱飲限韻

戊申五月廿有八日與午江憲長燕仰峯公鎮洋山亭四限嚴韻各調四闕即席俱成

踈簾淡月一首

夏至日集晉兄太守宅

千秋歲一首

四月二日集午江按察第

夏初臨

立夏前一日與仰峯公午江按察燕晉川郡侯

南墅

渡江雲一首

楊氏水樓

金人捧露盤二首

三月三日與吳中山輩集午山園二首

多麗一首

燕竹隅秋官第

念奴嬌一首

贈如竹季公

望海潮一首

夢雲趙君池亭小集次韻宗兄郡守

金明池一首

贈鄭子

過秦樓一首

懷周朝卿

丹鳳吟一首

題張季翁瑞竹

意難忘一首

寄仰峯周公二詞

玉燭新一首

同前

喜遷鶯三首

懷仰峯公次韻

送太府王公擢按察副使採木蜀中

官居自適

附寧波參政劉公調滿朝歡障詞一首

南門仲子續集卷下目錄

書

上郡守王公冀輕賦書

上操江都御史蔡公破倭寇書

與王刑部書

與張高唐書

與王司業書

與王行人書

平海議上巡按御史郭公

說

太倉州水道總圖說

徐長史說曹氏先世字

序

送周子參府紹興序

津亭紀別序

送徐參州奏績障文 儒官同選錄序

太倉文畧序 序頌

顧氏為壽議序 壽王仲君序

壽槐亭王君序

遥賀州父勿齋孫公兩院交獎序

賀鏡湖熊公擢拜按察副使序

賀玉江楊公大拜浙直副總兵官序

記

道士顧玄錫壽藏記

古林老師募重建長壽寺詩冊記

傳

鎮海衛指揮使待贈都指揮同知武公傳

祭文

祭靜菴王公文 祭給事貞山陸公文

祭翰林待詔文 文文

行狀

劉先生隱之行狀

桂陽州學正伯兄陸公行狀

誌

姚令人墓誌銘 明放鶴陸公合葬誌銘

胡翁克新墓誌銘 明故引舫邨先生誌銘

雜著

辯志海

借州父謠

華遷頌言述

甘泉叢殘錄跋

楊妃上馬圖跋

著歛程君號几山自

燒丹誠

頌萬大夫文

南京師楮

南門仲子續集卷上

太倉陸之裘象孫著

詠古二十四首

管寧鉏金與瓦礫等

商賈兢珠玉世人愛黃金鉏之等瓦礫誰明管子心
高風勵千載公無談華歆

陶潛解官僅八十餘日

名族五柳公解組不三月升斗亦可資言歸一何决
得錢送酒家甘守拙生涯忘言南山鳥坐對東籬花
圖裏虎溪笑空貽後代誇

楊震卻暮夜懷金者

一語明四知皆知楊伯起海內凡幾人關西誦夫子
深夜欺鬼神難遮目與耳胡為豪貴兒白晝門如市
誰哉活黃雀廼翁有貽美

審武子納膳貨醫

君在患難中濟之良獨難君身苟難保臣也詎能完
辛勞不敢避惟願宗社安吁嗟乎吾君一夜得高枕
臣身雖劬亦可忍

范式升堂如期以夢會葬廬墓

千里升堂為壽張母拜母猶可生死交情知者吾友
夜夢曷憑朝辭太守素車縞衣奔會恐後哭告靈輻
牽紼乃走種樹結廬疇則云又

侯芭負土起墳

昔有子貢兮眷其師築室六年兮寧忍歸童烏蚤逝
兮負鋪誰第子侯芭兮勞敢辭太玄之經兮今古貽
侯生令名兮當並垂

閔損蘆衣御車

母在一子寒母去三子單話言感親百世不可刊孝
如子騫信爾難

程嬰自剄以謝杵臼

立孤難殺身易丈夫言非偶戲無罪小兒甘自棄杵
臼殺身二十年程嬰下報天合憐

李善告天乳孤以太守進食故主

李家蒼頭四海少，渾為乳孤偏應禱。仇能報償孤亦保，太守騎從盛如雲。躬步進食主父墳，李太守世寧有。

李母瘞圯壁錢

壁中緡錢非十萬，急令掩蔽無繾綣。毅然剛斷直丈夫，李母茲舉人世無。金魚墮地莫漫惜，三郎合抱母杖泣。二母如此寧易得。

韓愈為文諭鱷

羊一豕一諭鱷，陳莫三日不徙率。兵以戰鱷如伏聽，夜風忽電族種盡。移潮人罔見，中孚感神文勁而健。宋人效之勁弱斯辨。

豫讓不忘舊君

國士空復存，遇我人已易。吞炭復漆身，豈愛生前力。閔爾橋下人，報讎緣報德。解衣慰其意，三躍還三擊。頻擊竟何益，吾君庶昭假。

輔果易姓

昨姓智，今姓輔。有如行道入他族，異門戶雖云易姓。不易心，保全家國機。獨深借問漢唐季，誰同輔果智。武攸緒還嵩山。

不願列班諸武間，願尋道侶向嵩山。朝承天上金書名，暮戀山中石室還。後來高人有李泌，衡山上頭開石室。嗚呼市朝何處塵，白雲明月心俱逸。

張良從赤松子遊

范蠡乘湖上舟張良侍赤松遊功成報韓越肯愛王
與侯不愛封王侯三傑服刑四皓輔劉子房山凡幾
秋荒祠夜聞寂烏啼枝上頭長生學辟穀雲卧復何
求

梁孟同隱

孟曜與梁鴻避地到吳中妻為舉案敬夫甘旦暮春
伊誰竊窺之主人臯伯通延坐拜上客賢識良不同
沒葬古塚傍願依前代雄三雛逐母歸誦說應難窮
貫高以不死明趙王

柏人報嫚計不行王弗與知孰與明體無完膚願被
刑豈料微臣還復生漢朝群僚臣詎爭

范仲淹置義田以贍族人捨居宅為學

置田贍族人義周一族貧范老兮爾心何其均捨宅
為學宮仁將一郡同范老兮爾心何其公西人空令
歌小范宋廷不聞畱輔贊

顏氏願嫁

春秋叔梁子上古帝王孫行年五十餘偉貌復長身
求婚慕媛淑致詞向高門顏氏第五女請行何所羶
踰年體不孕默禱尼山神精誠動天地誕生大聖人
母也豈易得傳誦寧無因

魯兩生不肯行

叔孫達時變為漢起朝儀教哉魯兩生卻謝那肯隨
姓名史獨闕百世令人思

田橫門客

海島橫忍不能來復悔遂捐生五百人皆自剄一時
少四海稱

游客願併衣獨凍

風作寒城夜關遠游客衣並單脫衣請着願獨死追
想世間無二士

陸贄閉門著方書

敬輿唐侍郎天下恐無匹奏議數萬言字字寓忠赤
得君還失君嶺海遭遠謫閉門著方書投謁謝賓客

內名已不待徒為人大息

魯男子不納投宿之女

欲易生在嬌色禮多廢在昏黑女夜投宜見收公何
為乎拒不留雖聞柳下惠大德豈我儔魯男子非凡
流

仲春八日訪陸叔平不遇畱題海棠下二首

爾赴高陽杜予來逸史家庭中有雙樹月下正交花
愛惜不忍折裏回空復嗟何當攜顧子同醉賦春霞

其二

吳門芳事好委巷獨誰偏高士不相值名花亦可憐
絳綃含晚態玉質破春妍祗合同蕉雪王維回裏傳

觀北濠顧氏紅鸚鵡已為張公攜登扁丘
顧氏紅鸚鵡遙從嶺外來苑官應未識隴族亦須猜
怪底探竒客攜登說法臺尋觀不相值空負禰生才
老僕泣故舟歌
有女迎母還婁東落日舟泊閭門中隣樓偶與官船
傍官先駕登船已空夫人操舟有老僕忽見隣舟雙
淚落泣云此是主人船已屬尚書經二年當時豈識
有今日主換舟更誰復憐夫人聞之泣向女侍婢相
看淚如雨故國從來有鬼神烏啼燭殘簾隔語傷心
為寄公兩郎莫道公亡靈亦亡

三月雪裏桃花鄭子感所見請賦

吳門寒食暮春時一樹天桃帶雪竒渾似館娃傾國
面故將宮粉映臙脂

狂風

狂風如猛虎黑夜號東林怒威振錯木翻翻喧衆禽
豈惜喧衆禽獨雀方在陰暫斂冲霄翮詎敢揚清音
盛怒還易衰偽扇將誰侵明朝風日好庶幾慰予心

魏公歌

古田往年聞燬滂有村杉洋聚群盜縣中商旅晝不
行黃塵捲風傳鼓譟憲臣震怒思盡除帶甲虬貅夜
呼召千家啼哭雞狗怖玉石誰分良與暴新建魏公
文武才銜命參藩值初到徼功濫殺心獨傷移文

急向村衢告餘徒解散渠率縛一夜山中撤戎竈
鬼那聞白骨悲官軍總受黃金犒老稚相携馬前拜
生感相公恩再造碑苔蝕篆崇德祠祝嘏松楸歷寒
燠知公累世出名家里榜高陽有嘉謠後來嗣續賢
更多杖節牽帷建牙燾吁嗟乎丈夫活人豈無報

草堂

海岱星晨萬國同草堂誰笑著書竈門庭賸有三槐
澤車馬時過五柳風相慕侯家長揖外苑萼江月醉
吟中何人却解冰壺意獨鶴飄颻在碧空

萬國

萬國星晨裏東南有一儒文園牛馬走阿閣鳳凰雛
著易松風好彈棊花月孤何時大車載不遣老長途
與徐子茂投宿夷亭毛氏

吳天風雨裏薄暮一維舟綠樹夷亭市柴門臨水頭
相將孺子訪深荷主人畱雞黍燈前話歡悰若舊游
勞於文役聊以解嘲

公府年年代撰文霜朝雨夕扣門頻空憐倚馬千言
富肯信縣鷄百結貧尼父阻糧憂從者懷王築草愛
詞臣虛勞自笑頭添白猶勝催租責券人

送從吾熊公遷將樂教諭

六載絃歌婁水長映門花鳥漢衣裳新官忽報遷將
樂父客先思入建昌杜若津亭酣裏別荔支山館夢

中祥公春初夢人懷荔支二枚相贈曰此公遷官所也閩產荔支踰旬果擢閩之將樂絳帷
他日還重席肯遇吳人問陸郎

閒居

閒居掃榻避風塵日日新聞到耳頻世事何如銅雀
妓儒名翻愧網魚人山阿桂樹那招隱谷口桃花合
問津誰道魯連天下士布衣長嘯老縣鷄

送詹事毛主簿

南京城中千萬戶鍾山紫氣連宮宇官曹半是列僊
家况乃清風詹事府寵命誰承三世恩右軍仲子
尚書孫一行作簿得詹事白馬遙趨通濟門宦轍爭
畱北京喜朝朝仗策風塵裏憐君父子並南來故國

宮衣照秋水

題城西燕園

城西新柳暗錦席醉雲和春日名園好芳筵上客多
花邊繫宋狝石畔倚秦娥醉度闌橋月微風搖綠波

蜀道歌送黃公之馬湖有序

仲表每覩昔人紀蜀之事披雲於棧道采雪於峨眉
乘筏於瞿塘聽猿於劔閣訪卜於成都歷山川之形
勝險塞覽君相之陳跡遺風志若快之逮考其形諸
聲律則蜀道難之篇恒多間有為蜀道易者亦矯石
於一爾黃公守婁江而遷馬湖有萬里投荒之歎予
也侍酒別筵因作蜀道歌以慰之蓋在難易之間其

詞曰

蜀道難乎叱馭羊腸頌功祁連重譚銜命朔漠吞羶
凡彼人矣並非賢與蜀道易乎銷寇嶺表灑淚荒煙
望江回師伏波悼鳶凡彼人矣獨無言與吁嗟乎涉
險非難畏其名歷遠非易壯於行難易之間公獨醒

次韻報尚書林公為碧筠金丈

玉佩宮袍侍

九天承

恩多在

鳳樓前兩京戚

里應同譽萬石君家不乏賢勲業會看圖

漢閣音

書頗見達吳船滄江故老今垂白每向交親感素箋

東塘雙鷺歌

婁江綠水連東瀛一州二衛同戍城彫弧少年慣挾

彈黃鳥不入城中鳴如何嘉靖歲辛丑五月六日天
乍晴東塘高柳映雲日深深翠葉啼雙鷺閨門錦機
動吳女間關百轉流新聲叢陰坐鳥總藏拙堤頭過
客皆畱行日斜歌闌不肯去傍主偏含池館情侯家
童兒隱墻裏一箭射出令人驚佳禽翻翼換數柳春
茲水岸猶迴縈雙棲綠煙夜寂寂嬌音又送房櫳明
上林苑中足珍樹玉砌紅闌流鳳笙民間報汝莫相
戀煙霄一舉湖山清

聽王子彈琴

王郎向予彈玉琴停杯共聽有餘音簾前好雨不知
暮但覺春回芳樹林

皇甫丈輓歌

名賢為政有殊恩，生見群雛霄漢騫。
萬里風波辭蜀道，幾年花鳥卧吳門。
青山忽報新阡築，白社空悲故老存。
送葬客歸明月晚，橫塘春柳斷人魂。

奉酬邊參府入報本寺見予詩字索賦

名家佩笏海中間，况復才賢有使君。
江路暫教持漢節，郡齋偏喜對吳雲。
舟環屬邑仁風遠，賦就高臺落日曛。
僧壁謾題慚晉草，翻憐稚子意能勤。

魯橋信宿

行知境入交乍喜，橋名魯封聞聚千。
旄歌樓連百戶國，志同河山民風異。
今古

歷東平州東阿縣

穿林度嶺夏方長，覽古誰云迹盡荒。
經過冉祠懷聖父，行逢阿縣誦賢王。
雷餐遮馬市頭店，滾石歌牛村外場。
惟有襲人蘭氣美，薰風處處棗花香。

感馬詠

十月九日太僕寺將以郡縣所入馬昇京營兵分牧
馬不滿千匹而民牽布衢道驪黃牝牡望之如雲頗
眩人目過之者摩踵不絕然未有一人能辨其良者
因念臯樂之徒世不可少匪獨鍾琴卞璞則爾也作

感馬詠

長安雨初晴，寺官聚其馬。
帶映仙宮前，牽布皇壙下。

過市千萬人誰為鑒賞者乃知九方臯匪獨斯世寡
物有絕類才卓卓豈應假 天家十二閑游群迷紺
赭山川入春風金鞭坐堪把萬里任所之寧論用與
舍

讀岳集詩

嘉靖乙卯表寓京師按察僉事凌君以徐相公督學
浙中時與同志所纂岳集見貺予置几上朝夕讀讀
輒淚下被面曰嗟乎秦漢下名將文武忠孝智勇兼
備者其有斯人乎微茲集則予莫得其詳然則相公
亦可謂大有功德於前修者矣作讀岳集詩其詩曰
周誕仲甫維岳降靈世有異傑允維國楨嶷嶷岳矣

憂協于鵬殊倫絕類神物騰精牙揮策指電懾風行
日月媿耀華戎誦名文武勇知孝感忠貞繫秦涉漢
孰與齊衡天不祚宋斯人苟生祚云廟杜胡爾罹傾
湖山帶越煙墟六陵維侯之墓光燭桓楹事有代謝
豈百斯星緬彼陳迹疇則經營有賢相國昔校群英
為侯纂述庶美乃并匪曰侯德百禩可徵維相國心
於亦用明嗟予小子歲忝賓興北偕計吏來入于京
貺我茲集憲臣曰凌兼旬展味涕下縱橫瞻俯河岳
孤憤長鳴百七十言爰垂頌聲

喜久病瘥獲生月餘復聞舍弟病瘦甚

去年王生病今年又經暑相去道路長燕吳隔風雨

尺書忽南來告我病已愈不感瘡再生我復得一女
胡爾來獨遲言與吾弟處瘦非近時貌強過舊時侶
飲酒十減八終日無數語聽子言豈虛使我淚如雨
貧賤去兄弟歲月空羈旅不如鶴與鸞翛然凌風舉

寒夜燕宗吏部第

吏部名五生高會夜秉燭垂簾寒月遲行觴侍吏肅
忘勢欣所遭論文更超獨乃知垂天翮孤騫邁群族
微酣各言歸宮漏安用促

春暫南還畱贈郭職方

郭侯三吳彥遙出汾陽裔讀書長洲苑金闥起擢第
臺聯法從班豸冠氣何銳論事得左遷飽食南閩荔

彈琴山縣中為政多德惠爽鳩一名入司馬待還繼
龍門楊孟公坐為天下計異數偏職方薦納肯或替
秦代地震圻焚厭萬衆斃公也罹禍竒行當去燕薊
遑遑國士悲戀戀慈母係百燈衰經堂入見輒沾袂
侯昨傷直臣被面矢魚淚今茲感知已羊曇自酸鼻
我來客京師星霜已踰歲乘間過侯館秉燭談久憇
長身骨亦清磊落寧壅滯朋牋及家書示我不封閉
北懷關塞憂南復桑梓繫顧忌無曲詞感激有濁世
潘輿隔吳門孤雲入遙睇彩鷁凡幾迎歸囑頰仲弟
人生衆役勞形神多自敝我行還復來畱語向蘭桂
太虛亦寥廓暫爾浮陰翳願侯從此珍徐歌上林霽

胡公持竊桃圖壽顧父

曼倩金閨吏姓非張少平偶逢鴻濛叟指為太白精
度索有嘉實懷之驗長生至今七夕語猶記承華名
胡公曼倩徒曠達疑天成貌此竊桃手持向貴翁呈
貴翁多種德僊宇孫枝榮會采嶂嶮棗垂眉同壽徵
即事一絕

玄鳥尋華屋營巢傍主人重來巢已換不是主人貧

燕田氏東園

吾聞晉山簡醉酒習家池田氏東園上風流今屬誰
百花勸我飲好鳥換春枝池山明夕照芳雨坐沾衣
寄侍郎顧舅二首

觀光元擬在春初彩筆秋風榜又虛敢怨宮花違寶
騎自憐江菜得霜魚王通夢寐君門策韓愈蹉跎
相國書自古揚賢關柱石朝天捧日近何如
五雲何處傍罌罍極目長安音信遲內相久煩唐室
眷外甥遙動渭陽思南宮貌偉驚朝虜東閣歸閒有
侍姬聞道鶴袍承雨露紫霄新製步虛詞

題王太史草堂

文雅風流王翰林江天卜築謝朝簪屏開北檻青山
近帖滿西牀玄草深漏竹宵鳴通暗水庭花書靜下
幽禽文魚玉騎同游遠肯道長安隔暮陰

武將軍輓詩

南門外子集卷上
十三
黃熊帳前一星墮孤城隱侯嗟病卧游菟暮去何所
依西堂月出虛賓佐侯家從來讀書繼畱緋諸郎動
哀些遺德行看丘上碑彭城戰馬功俱大

喜雨

八月六日天半明夢回葉雨喧人清連宵酷熱欲號
叫此日焉知聞此聲花枝即觀甘濕墜葛幘便覺虛
涼生可憐百物蘇煩燠起坐西窓萬里情

秣陵

秣陵同袍多舊遊斗酒相過彈劔畱大道紅簾映斜
日閭闔清風吹玉鈎百花渾迷通濟水一雁橫度長
安秋鍾山月出紫煙淨君向誰家問小侯

聽胡公談借漁事甚奇援筆作

太倉有胡公放舟郡城西偶泊行春橋起步石湖堤
前見一漁人戴笠着蓑衣面湖坐背山扳罾日斜時
小舍不成屋去岸空臺基胡公喚漁人何不度我爲
漁人笑閣板引手相扶持舍中何所有不着妻與兒
牀頭何所有惟見杜甫詩胡公始驚怪問漁爾爲誰
漁人答胡公陳嵩字仰之家貧漁湖上謀生非好奇
胡公語漁人吾亦非市醫濟人不重錢玩世宥不羈
借笠與我戴借蓑與我披出一斗酒換君一雙魚
烹魚試酌酒同醉君勿辭今日石湖畔吾與爾同嬉
長歌舉手別揚帆復東歸遂棄舊時號自稱爲借漁

踵門告陸子幸為書一詞倘比采芝侶千秋名永垂
癸丑秋獲領南畿賓貢

周官歲典重賓興忝竊予慚稱未能北闕雲霄開
正道南畿郡縣集良朋蓮花不恨三秋發老驥猶堪
萬里乘總謂皇家多雨露願將廷對學孫弘

奉贈郡守林公

治郡誰能擬使君王臺珠樹鳳難群龔黃瑞漢渾無
事韋白臨吳更有文道上甘棠陰正合民間秀麥穗
應分還憐海邑新歌頌蠻島鯨波坐策勳

將入京次前韻留別諸兄友

儒服常歌漢業興榮途觀國幸茲能樛材那謂

無雙士蕃錫誰還有百朋海戍烽煙兵未息江河春
舫客堪乘卅年贈處交親誼晚別猶慚道未弘

顧兩公歌有序

顧氏原魯公及五世孫海隱公學慕古儒摛而窮其
源可謂忠於師者也給事懷東公以陳愚謫可謂忠
於君者也鄉人祀原魯公於州學祀海隱公於郡
學報亦云厚矣然微給事則巨公名士弗為言海內
其曷徵哉吾乃知祀未足為兩公報報兩公之厚者
給事也兩公祠有文矣而無歌昔人頌美賢摛多以
歌歌諷詠入人耳而暢豁其心間里樂傳誦非若記
序之屬徒能使讀文史習儒業者知之耳作顧兩公

歌其詞曰

原魯公生當元元人變夏學幾廢獨懷古括探其源
讀書一室几為穿穿跡遺雷二百年世間苦心誰可
擬直與管榻名俱傳海隱公生寄吳吳中經生守章
句獨有心得超前儒儒多貴耳或貴目心獨得妙誰
如吾峩冠一任群輩嗤庭下自觀靈鳳雛顧兩公一
祀州庠一郡中承家若非瑣闥客詎令河岳流高風
高風不向海天借載筆颼颼生萬松

壽戴菊賓

菊為賓君為主君向菊花傾綠醕菊為主君為賓菊
吐寒香開向君嗟君與菊何所厚迭為主賓情獨久

少年種菊今白頭年年花茂當深秋愛君白帽醉舞
花下輕公侯

洞山

洞山洞裏隱桃源石磴雲梯別有門神宇佛宮啣落
照舟人回指向予言

見清波志喜

濁流初過見清波瓦屋千家石岸多樹裏青山同送
客江南風景較如何

南旺

南旺分流處明神廟貌崇百泉蔽地竅萬古示天功
誰悟玄機別都非幻巧同榜歌南北順寧獨使舟通

過張秋

客過張秋觀廟碣 兩朝昔當春夏月後先二十五
星霜黃陵岡頭河再決轉漕都妨北上舟重臣一夜
頭應雪鳩工違惜智慮勞牲祝自合精誠竭河神効
靈復東徙寅年酉年差異說宵旰除却 天顏憂春
秋報祀人心悅安平巨鎮嘉名錫顯惠層簷華榜揭
嗚呼仰給東南無斷絕財賦古今胡尔別吳中繁重
枯盡民膏血安得如黃河之水湯湯流不歇

東昌牧牛婦

聊城秋草綠兩牛將二犢河堤風雨中有婦持鞭牧
醫周起王德卿子却金受詩

咸陽誦扁鵲不與市醫同春滿栽花雨香傳曬藥風
時名喧國俗陰德在兒童况有辭金義人稱類若翁

贈山陰彭子

彭侯讀書能說劍會武曾向長安燕會武燕乃武八
舉會試宴名

年紹興列衛曹彊項真成虓戎弁島夷揚帆寇閩越
家山再起群公薦開筵教場武騎導坐握壯丁兼八
縣擁隊渾令市犬驚衝濤屢逐沙鯨戰才高不葺竟
投杵避難東來棲海甸官奴違繫呼就途猶對門生
披試卷交游進酒爭淚落浩然請行顏不變三秋狂
獄生二毛臺司校牘寃終辨身更憂患氣稍降虎視
眈眈老逾健自言袖椎思報恩塵世未償疇昔願累

革不教埋玉門觸鱗還合號金殿別予欲謁董參軍
白下江山會游徧忤時那慚流俗口去鄉久隔妻孥
面人生窮達當有時丈夫何得長貧賤王公墓客正
縣金期君重在燕臺見

八月十六夜呂曰潛舟中

閶門樓臺高插天十里映帶長濠船船中呂君置名
酒待月燕集三吳賢吳中八客擅吹竹簫笙笛和南
州曲澄波空碧為凝雲鼓視漁陽更超獨王優琵琶
岳女箏解歌北調和絲聲秦淮久別金陵院未識形
顏知姓名四筵環聽呼二絕岳孃箏歌渾自別轉喉
拂指意若閒緩急縱橫銀鴈列舞榭陽臺亦寡儔繡

茵觀舞一登樓回風驚雪腰肢弱舞罷相攜復上舟
竹聲乍歇絲聲繼北唱南歌人欲醉三華持杯羨兩
杏能為主人招絕技東方月高雲歛遲中流火樹花
盈枝諸公莫負今宵勝此會當稱海內奇

郭孺人輓歌

參州前年來佐守北虜遙傳南入寇宣府高城萬騎
圍邊民被掠啼還走此時夫人在東鄉書收得畏
開封平安乍作官廬喜闕獄那知暮有戎州獄有囚
四十餘人
叛出殺掠二旬稍稍擒獲參州視事清於水夫人盤餐闕肥美令
妻賢婦合長年一夕誰教眠不起婁江蕭蕭落木寒
故園風日隔邊關靈車北望何時到塞裏營塲積草

燔山陰諸所草料
場為胡盜所焚

柳公桃源舟中對酒值風沙作

桃源縣邊河北岸斜日行人初繫纜奔流東疾萬馬
馳黃沙捲風天忽暗柳公方酌同舟客急呼下簾沙
滿案縣市千家出復藏閣杯相對還相歎初更漸喜
風力微長波散月光重爛異倉分送疇能眠坐傍船
窓獨凝看

贈田永春 有序

嘉靖十六年秋夜忽夢見如矢田將軍向我跪若有
所欲言我驚扶而問之未及對而寤明日永春來跪
於庭以一事求救之急乃知田公所欲言為此也我

歎異良久遂極力拯之事果克濟後田氏內外長少
無一人言者獨永春對人言之不置歷十四年來有
如一日我妻子相繼死永春竭弔賻誠且屢置酒饌
請我所厚者歡勸竟日秉燭不罷我甚愧之然我思
所以報我如此者亦為其故父耳今市里間其有義
烈如永春者乎永春見人往往持扇索書於我亦持
扇來我欣然為賦此亦以其美也不可泯耳昔田橫
之客皆稱義士今永春乃田侯養子我是以比擬之
觀者其無以太過笑我也

田橫門下客義烈勝田文誰道今非古田門喜見君
盡忠言不用報德意何勤我欲編成曲傳教處處聞

柔英

柔英媚春陽榮華有顏色宛如漢宮人睡起嬌無力
含情當為誰願待郎來摘寄語十八姨敢勤好相惜

斜月

斜月在船窓舟行人尚卧鼉鼓擊舒徐龍笛吹頓挫
側聽心獨怡甘夢時復破牽夫喜息風勸力勤相和
篙工懼膠淺頻呼左右柁推枕問僮僕邨市幾經過
泊頭到未曾旭光催起坐行役聊足娛鄉懷更無那

感女妝

我聞內家粧京師達四隅如何民間女妝各隨鄉間
京師髻寸許齊魯高尺餘京師衫及腰吳越長垂腓
男服不相遠女服良獨殊隣封猶異俗南北况遐區
貞哉聖王化閨閣貴先趨卑高苟相懸鞭策亦浪驅
制式有中道豈徒車與書市人不足求所恃在大儒
焉得同習尚坐觀環海俱

午飯龍山僧舍

午上龍山遠市塵時穿深草鬼驚人林僧煮笋能畱
客猶勝盤中苜蓿新

哭龍嶽陳子

賢侯同守郡惠澤徧朱方築室開新徑乘輅入故鄉
德星承族譜化雨接宮牆貯耳言猶在驚心疾已亡
秣陵傳報杳聞嶺去思長道氣應難滅科名底用芳

燃燈依總帳遺跡亂塵牀數宦悲猿斷群雛冀鳳翔
秘機難豫識陳跡易為荒願挂吳公劍哀哉有辨香

送教授東坪喬公擢重慶通判

西川別駕嶺西英淑浦嘉禾舊有聲郡縣樞機連戶
樂宮墻桃李傍人明桂林殘月啼猿夢棧道孤雲立
馬情三載同寮愧隣博鵠班何日見台衡

李將軍燕出歌者李汝蓮即席贈

華氏蘭舟坐新月李娘晚霞春映雪當時相見在胥
門賦動吳王國中傑豈知將軍交翠堂李娥綽約蓮
花妝尊前一笑傾四坐羞抱琵琶羅袖長冰絃輕彈
曲窈窕新聲散暮花間梁酒酣因之動逸興起拂濤

箋書作行金陵女兒解人意見予題詩不肯離紫絲
裙帶立山庭微風落日章華情善和牡丹空得名金
壺玉笋擁圍屏公等何人能獨醒

張翰林毛郡守王按察相繼至按察翰林復
攜酒肴因報張按察同話

山人貧病徑莓苔喜爾高軒次第來看榼酒壺春挈
送家僮官僕午教回停雲笥草聊同玩解客簷花也
自開為報城門張按察景風長日共啣杯

皇甫伯子蜀道騎馬歸

皇甫伯子壯歲隨順慶公還季君尚幼抱置馬上從
險道過馬驚幾蹶落從騎愕睢莫可援者伯君右臂

抱樹左臂抱第以雙足留馬於是人馬並全虛巖周
子曰華陽子是舉也其巧當莫與並南門仲子曰夫
乘馬臨不測之深馬驚滑雖責獲不能自保况能全
嬰兒以及馬邪順慶公種德而誦其位生伯仲叔季
所以報之也使當是時馬遂墮絕壑則順慶公倉皇
痛悼恐無以享高年而吳中亦少二雋矣然則斯役
之免也神實護之公可獨歸能伯君哉虛巖子大說
謂南門仲子當紀之乃賦皇甫伯子騎馬蜀道歸
華陽伯君昔少年蜀道騎馬黃雲邊阿季抱着鞍前
坐馬逢懸崖驚欲墮官奴追隨急無那汗透征衣膽
俱破攀柯抱第足鈎馬兄弟俱全馬不下人間此事
名世多文賦不是隨行登第人

古亦稀歸來告人渾似假公稱伯君巧絕倫豈知山
川元有神吳中長者推太府種德續續生麒麟請看
月下分繫數紅蓮燈於玉梅枝益增勝觀
梅花珠樹合茵蔕彩燈縣杯任清芬襲人於活色憐
當頭華月好拂髻朗風妍莫惜雙鬟去狂歌興轉偏
送丘子還壽其母

薰風燕喜憶慈幃羨爾江帆去似飛西崦楊梅從客
薦北堂萱草待人歸青山馬上孤雲道白髮樽前五
色衣此去遙知歌壽曲開縣錦軸有光輝

鍾子自閩至婁上送藥陳少參懷母別歸

賢侯勞視藥慈母望征衾醫國平生手還家昨夜心
義關薇省切仁與杏泉深千里歸帆遠山猿何處吟

贈東郭潘陳兩公

陳公父子偏愛我事事謂予無不可東城一過輒相
畱名酒嘉肴雜珍果風流潘公邠老孫為予招之席
虛左稗官野史手共傳清晝寧辭深夜坐嗚呼兩翁
逢亦難民間莫道多庸瑣

寄岑林宋孫四先生

其一

公為嶺南彥彩筆帶雲霞足馬曾觀國雙魚又別家
師名元自重憲語向來華八月濤應壯長歌海上槎

其二

著姓垂千禩芳聲播七閩相違今迥隔一笑昔曾親
爾信鸞牋香予詞豸史珍高秋明月裏東望憶斯人

其三

恭典豐宮秩能謙更有為飛騰難斂羽瀟灑不凡姿
里閨從莆縣婚姻想臬司春風登甲榜會許繼郊祁

其四

儒官崇禮數那憚隔鄉音飛鳥巴天道生魚鄭水心
明神朝藝鼎貧士暮辭金萬里關城思銅江色漸深
郡人冊回重湖水玉索贈通判張公二首
清冰白玉照重湖為擬張公操不殊攝政頻經花外

數更衣自笑篋中無行看 國史收廉吏信有鄉闈
得俊儒霄漢聲華四千里還歌日月向 皇都
重湖水玉映人明操比君侯澈底清兩縣恩波同佐
郡一官高價即專城每過 神廟無慚色試採童謠
有令聲誰在 鳳池收薦草上書前已見諸生

壽臨淄蔡公

蔡公行年六十六白髮烏紗新釀綠陽月爭持延壽
花金杯跪捧浮甘菊談經昔日在臨淄齊魯諸生喜
得師此日雲間直接壤郎君嘉善擁臯比客捧杯頻
薦酒爭願蔡公登上壽一年一度菊花前同尔親朋
醉舞筵團臍紫鱗縮項鱸鄉國味美良可憐皆知蔡
公好孫子有背肯受麻姑鞭陸生亦振嘉興鐸官與
郎君叨典學安得香傳鸚鵡卮月明東想華亭鶴祝
公承 恩億萬春婁江偏憶同鄉人

京口夜泊覽勝有懷

歲暮南州客子情江關晚泊近山城思君共賞金焦
勝一片寒濤帶月生

張都水顧刑部沈儀制毛右府董中府諸公
競駕招燕右府儀制復畱信宿并賦謝章

卿曹三彥佐督府兩參軍累日邀予燕盤珍豐更芬
車馬相迎送鍾山足暮雲長衢絡巷表聯樓轉水濱
信宿畱官舍高懷誰最勤主人多北海策士愧河汾

金陵飛雪夜秉燭任論文

燕葉京兆官舍

京府開高燕厨珍喜數傳西堂花待客南國吏如仙
共向尊前語能徵石上鐫茅山今日事萬口治中賢

送將軍文子守鄱陽

會武曾沾綺燕春武舉有會武燕報功重拜 國恩新紫霄

文命蟠龍勅碧海聲華射鯉身鄱上萬艘迎使節臺

中尺疏荷朝紳巡按御史呂公特薦將軍莫恨遭逢晚里閑從

來更幾人

顧君求賦

同祿畱公府君才邁等倫移文不築草騎馬暫依人

興寄雲洲逸情於藝苑親高歌對斗酒不厭抱關貧

思南守宗兄新堂燈燕枉招賦贈

堂上笙歌徹紫霄門前榜檝映春橋香凝画棟丹青

麗月助瑤燈彩翠嬌法從霜威存鐵豸賀賓雲集有

金貂知兄四海家聲遠不愧當時陸半朝思南伯祖參政公景

好士多交游食客常滿坐時人為之語曰陸半朝

沈賓石官受道正東歸所建新祠

黃冠誰信換烏紗貧構仙祠眾所嘉 天上獨承新

雨露山中相伴舊煙霞行憐野鶴長同乘坐喜房蜂

早報衙惟有簿書方外減印紋生綠樹垂花

奉寄劉兵部先生二首

論文每想昔追陪，倒屣非關有異才。
幾度仁風婁水榻，兩秋明月秣陵杯。
閒居肯擬長門賦，往事難忘太廟災。
吳越相思恨相隔，廿年江上一書來。
慈谿縣裏晝攻焚，南望偏懷舊使君。
去國曾離龍虎穴，移家應脫犬戎羣。
休將著作山中廢，要共封章海內聞。
獨喜中郎外孫好，瑤牋寄入鑑湖雲。

酬董子元見寄

誰將師道一開予，愛爾真成董仲舒。
隣郡江山鄉里近，名家簪笏世交餘。
高才久識淵龍伏，逸性空憐野鶴如。
炎汗沾衣應公務，彩毫慚負報君書。

寄題州守孫公安翠堂

交翠堂前栢竹榮，賢侯相對操偏清。
龍鱗溜雨蒼苔積，鳳尾凌霄粉節生。
繁影不妨炎午坐，高風擬結歲寒盟。
公餘晝寢多閒暇，南國甘棠賦早成。

贈秀水張侯

舊年來隨天上槎，五湖天寒飛六花。
誰憐神物氣射斗，先從秀水尋張華。
張侯牧民多惠政，赫赫不與時爭譁。
縣前綽楔有新勝，日出麗譙啼曙雅。
冲然揖讓足文度，白晢映人髯更嘉。
緘金贈我客囊費，春風返棹婁江涯。
重來相見夏四月，豐宮始入儒臣衙。
殷勤再贈錦繡段，侍吏親承明彩霞。
喜侯衆中禮獨異，喜侯憐才情倍加。
空慚使者拜匍匐，何有瓊瑤酬木瓜。

君不見度遼將軍皇甫規性愛時賢抑豪右開門坐
禮逢掖生問雁翻經司郡守一時浮華同隙駒千載
美談傳不朽近來教授李延平遙自閩山返故城聞
侯亦肯捐金贈瀟灑高風非世情即今豸冠還玉京
會從良吏示褒旌論功嘉秀書雙美奏牘中間定有
名

越游三記歌

梅軒丈人多技能南都有籍棲秣陵儒官不寄長洲
苑却拜郡學來嘉興郎君少年聲烜赫音如洪鍾身
七尺竒才蚤播嵩明州賓興晚作天闕游上書雲
霄謁冢宰豈徒黃塵氣食牛吳公自言父與子曾作

梅翁門下士何須近郡卜鄉隣百歲芹宮須紹美郎
君挂劍別長安天風吹帆四千里入門喜見昔時衙
誰謂官銜亦如此予來分教居隣縣暇日相過坐忘
倦憐君持示游越篇錦墨三文書滿卷今年我亦向
錢塘二月湖山看將徧卷中佳境與名區過目分明
如對面周郎突兀真好竒平地尺雨猶常時茗杯伴
僧渾不辭顧客待倒黃金卮斯須雨過偏增勝竹輶
蘭橈狂客興一飯何用離越都四時不厭泛西湖他
年會有他方擢開卷湖山如在目

送顧君東還

好義復懷仁遊燕二十春帝城流譽久醫院策名

新踪跡從湖海交歡有縉紳歸鞍楓雁晚相送欲沾巾

客途偶憶侍郎王兄子崇語

先聖有遺訓出門貴同人白頭與傾蓋誰為故與新
投契變仇讎作訟垂懿親俯仰天地間何越復何秦
我友王司馬疇昔獨何云交游滿四海不如故鄉人
新交多富貴故交多賤貧君試問新交何如舊游真
出門數十里肺肝誰易陳斯言雖不同感激寧無因

舟禱紀異

我聞泰山神昭靈而江河崇祀楚入燕廟貌何其多
南還附官舫膠淺雷竟日百夫牽不前篙師已窮力
東風暮轉急觀者空太息陸生何所能依神僻成性
長跼顛稽首舟移如響應感假惟一誠玄功信莫並
寄語狂侗徒端居可無敬

舟中呈李使君

都城雖風塵千雉還丹甍繽紛足車馬參差明殿閣
郎署簿書簡白書語簷鐸我來一歲所見君義不薄
官續張將軍牒全馬太學露骸免施翁縣解宗尉縛
姻戚歡所依鄉識非牢落惠渥及存亡豈云重然諾
銜命茲恤刑荆襄歷衡岳青嶂聞玄猿白雲倚黃鶴
民間古多寃匹婦生燠涸亦有市廛讒寧無魯魚錯
覃恩凡幾郡為布堯仁博欽哉讞無辜詎爾釋元惡

予念推食私計勲空自作儻憐玉案酬玩我舟中作
平湖馬沈二子索壽賓洲公

世人多稱好賓客羅列壺觴布瑤席吹笙擊鼓喧四
隣月在花枝天向夕主人好賓誰與游平湖城北有
芳洲裴回日日坐其上散髮披襟渾自由洲能為賓
我為主不與賓言與洲語洲雖不吝心更間旦暮洲
邊棹容與主翁只以洲為賓行年六十有四春賓朋
肯向華堂壽愛到芳洲戀主人主人有孫還有子令
子賢孫皆造士上壽為徵黃菊歌馬沈風颿輕百里
丈人篇四首壽訓導介菴金公九十
商巖之首潁川之口箕山之耳富陽之手維眉之秀

維丈人壽

吳淞之鱗度索之實越澤之舟晉山之屐漢冠周舄
維丈人適

羅浮之梅嶰谷之竹北山之薇東籬之菊邵瓜韓筴
維丈人欲

泮芹之思臯蘭之佩商衢之謠華胥之貴睢圖洛會
維丈人最

賓興燕竒遇歌

嘉靖戊午秋七月嘉禾設賓興燕以餞應試士自太
府兩縣暨三學同寮或合或分燕凡六舉閏月諸士
且行矣督學宗師畢公復移文茲郡俾於三學應試

士原案下各截取數名以示優賞所增士合三十有五且例著以為常誠異數也表輩十一寮友咸謂是舉也不易遭獨可以無燕乎燕必舉請合於郡學便是典教郡學喬公與其寮吳周韓文四公秀水則沈丁容三公及我寮長貳許吳兩公輩為合餞之舉表獲與焉并前燕凡七是亦舊所未有也不可無作以昭其盛為賦一歌以志之

賓興燕開當勝日秋閨涼風偏應律主人予輩幾同寮列坐諸賢剛五七宮牆環敞芳桂深官奴行觴仍下食人間歌舞古今殊管絃何必羅琴瑟黌校今秋瑞增益送喜嘉禾傳郡邑七燕多燕守令師三甲荐

逢申子戌

二學分燕於甲子合燕於甲申太郡則茲合燕於甲戌惟兩縣之燕則於丁卯焉

辰茲舉寧數得外臺為有宗工畢宗工司權侷化工憐才特邁常年格神從盛夏露先幾震驚共仰

天威赫破柱巧中青雲樓江湖夜起蛟龍蟄天威示警疇敢誣休徵自卜當科吉五城煙彩疑鳳臺萬歲天香駐蟾窟聯榮會見捷書飛此地還誇魁第一

張巽果中鄉試第一人

太府侯公欲請施老與鄉飲因感昔事訪之

古今代謝時不倫莫道今人皆古人人多重爵不重齒春秋自高誰解尊介菴金公年九十仲子却無金伯文官辭訓導臥委巷載酒掃迹金公門侍郎王公

七十二宮袍照眼婁江濱心知鄉飲齒當貴獨讓金
公爲大賓是時吾州有賢守莆田黃侯周道敦諸生
躬率禮致請升堂再拜何殷勤州閭美談那易息至
今令予懷戊寅時予敬老力靡及聚族虔告朋兼親
歌行記贊各體具挈持爭向公生辰剖羊羅俎孟君
費捧觴迭起宣詞頻看公酡顏映壽骨貌工染翰傳
其神同娛大老成至樂言歸秉燭當黃昏予來嘉禾
四越載九十亦有施公春賢侯大府布仁政四境深
濡鴻造恩欲從正月舉禮燕移文忽來芹類詢 朝
廷素重九十老肉帛頒賜均齊民民間尚爾被沾溉
况乃儒官儕縉紳始知斯翁避城市子孫白衣家太
貧歌筵不與亦合爾太府下問寧無因扁舟爲將兩
三僕十里尋訪經東津丘家橋隣白蓮寺幽棲愛居
施氏邨燕服廬中一相見百錢贄饋慚兼縉耆年長
郎貌頗質茶杯再出言諄諄相畱不畱但長揖歸路
梅花明野雲

燕坐有懷王民熙

民熙豈凡流壘壘足談議自言少年時卓犖有立志
族大不挂眼餘財讓還棄受田半餘夫營歷匪一事
卜築住東郊肩輿或乘騎道上憶周易入城諳魯記
塲闡倦屢游輸金借名器冠戴漢魏華世慕岐黃藝
生辰報耆年門謝賓客饋宗黨與婚家深辭詎畱意

予詞何足憐推作賈馬類今日為壽文將來為墓誌
殷勤百餘言珍踰百朋賜寧豔結駟人感爾敦道誼
家門滿華輶君也良獨異懷人不可見惆悵發深喟
戊午秋試郡城三學中式七人茲辛酉秋倍
之志勝

八月杭州九十騎嘉城三學十三人今秋賸較前秋
倍他燕重開此燕新總喜英雄聲易徧誰云傀儡夢
非真設科唐宋殊周漢任爾滄桑億萬春

詞附

詞多次古今人韻或依韻限韻不能一一細開

慶春宮

元夕次韻為周仰峯作

開燕宵良燒燈節好霽風乍轉江城簫鼓樓臺煙花
橋巷月中不斷春聲繡簾朱戶動搖處千門聚星高
堂縣照難畫難描香霧回縈金羈翠障相迎連袂
歌長鈿墮珠零惟願今年強如前歲肯教辜負時清
滿街歡笑更禮樂風流政成與民同樂祝賀豐穰合
順人情

滿江紅

元宵

綺陌星橋剛遇着上元時節簫鼓動馬馳車驟滿城
喧熱鄉國猶存前代俗牌棚賸比常年別感 皇恩
圖畫賀昇平家家說 鰲山上無露葉火樹裏無風
蝶愛佳人剪出豎絲竒絕綵勝春盤隨處好踏歌聲
調穿雲切筭游人翻較晝偏多低華月

贈仰峯公

分守東來婁水上停車駐節連二載好風甘露掃除
毒熱案牘何曾妨撫字憐才自是能分別看口碑都
在路途間行人說 晚衙散庭墮葉春權泛簾隨蝶
信賢明文雅共稱三絕白雪清冰操守厲瞻雲捧日
衷情切問夔龍何處再同群天門月

贈午江按察

憲幕承 恩親分佩 漢家符節巡歷慣嶺雲江瘴
肯辭炎熱海內才名流輩少郢中歌調從來別駕高
軒百遍過柴門移時說 也曾味蘇耽葉也曾詠莊
周蝶向芸窗白晝聖編頻絕花鳥風煙時自改江湖
廟社心俱切賜金緋拜舞鳳凰池燕京月

仙

咎鳳鞭鸞教歌舞蟲魚應節食沆瀣自然清淨幾曾
煩熱名姓惟應天府記丰神信與塵凡別剝丹經真
誥幾千言長生說 寄行迹空山葉飛幻夢瀛洲蝶
擁霓旌瓊佩俗緣都絕三界煙霞香氣遶五城樓閣

南唐詞子集卷上
三
丹青切倩玉笙吹落萬山秋瑤臺月

釋

空寂堅貞菩提教還持苦節塵不染白雲為伴那分
寒熱五戒五禪誰打破一瓶一鉢難拋別任繡筵高
座墜天花神聽說傳上祖從迦葉鑽故紙憐蜂蝶
上竿頭進步與人超絕法雨慈雲功最普輪回果報
言尤切愛青蓮妙相鏡臺明懸孤月

閨情

細雨重門經幾箇梨花冷節問薄倖自從他去和誰
打熱寂寞可憐今夜事綢繆不記當初別有人回親
見到前途虛傳說怕描寫花和葉慵刺繡鸞和蝶
幾番家睡起倚闌愁絕沾霧不知羅帶濕隔花無那
簫聲切下西階拜立暗通誠朝新月

自述

曾抱經綸曾貪慕古人奇節空落得履穿袍敝酒酣
腸熱黃髮漁樵堪結伴青雲故舊頗離別歎平生一
子失驪珠和誰說漫題徧蕭寺葉還賦就滕王牒
負清時休問志孤才絕調寄朱絃知合寡膝橫寶劍
憂徒切任從今歌舞萬千回花間月

題雁

春去秋來天南北偏知順節和燕子恰如相避禁寒
畏熱先後作行元有序雌雄配合還知別笑綠衣鸚

鷓翠籠中空能說 避繒繳嚼蘆葉衝雨雪沾瓊蝶
為誰傳書信暮雲遮絕白水菰香飛啄好黃昏燈暗
聲來切向扁舟何處最添愁瀟湘月

小重山

贈東川沈君

川入春來綠漸濃忘機川上坐一高翁市塵飛不到
川東車騎少釣叟自相容 吹笛引魚龍慣看波浪
靜澁含風殘霞翻映軟莎紅蘭櫂晚搖向月明中

鎮洋山亭小集

仙樂凝雲御酒濃瑤臺天上燕萬花叢錦袍持節到
婁東開賓榻幕府坐清風 山色暎房櫳殘春新雨

霽淨瑤空兔園詞客羽觴同笙歌送如在畫船中
清晝初長人意濃園池依郡閣有芳叢鎮洋山好照
江東聯華席兩袖暮春風 鶯語隔紗櫳花茵侵坐
軟暎堦空賞音稀遇古今同滕王賦慚愧彩毫中

風流子

送鳳南公

離腸何處結春風起香滿綠蘋洲况海內良朋天涯
孝子長亭執手婁水邊頭最無那夕陽波渺渺芳靄
路悠悠此地分襟昨朝行部金鞵五馬錦纜方舟
陽春元有脚剛欲徧誰教便問杭州只為風號隴樹
人倚鄉樓恨鵲擁空隨驪歌寡和幾番展紙欲賦還

休但願承 恩報早解却人愁

吳門

吳門春事好消殘雪人在百花洲愛並語嬌鶯碧紗
窗外雙飛乳燕翠玉釵頭那曾管秦關書信杳燕塞
角聲悠千載雲山闔閭埋劍五湖煙月范蠡乘舟
從來佳麗地神仙窟王都改作名州處處穿城綠水
夾岸朱樓儘過客游人陰晴不斷佳人才子今古無
休誰向暮雲凝處獨抱深愁

贈仰峯公

扶桑紅日上金波動遙見鳳麟洲有天府奇才雲司
法吏暫時遷謫楚尾吳頭却常願 君恩深更普

聖祚久還悠四境春風龔黃勸課滿江秋月李郭同
舟 憐才心更切聲名播即看名入 皇州重向
雙龍象闕五鳳層樓待賦就蓬萊功垂竹帛前朝俊
傑媿美增休不負平生學術掃盡窮愁

燕春臺

春意

斜照庭軒禁煙時候紗牕短夢初回晚思依微春殘
不見人來海棠簾箔風開試和衣謾起凭闌惆悵遙
天雲歛未送輕雷 歲鶯枝嫋眉蝶絲飛翠茵鋪草
青豆催梅翻思昨夜垂花暗卜燈煤甚日纔歸吹簫
重伴秦臺隔蓬萊多少心上恨空自徘徊

別院花深小闌人靜金爐寶篆縈回暖霧霏微流鶯
自過墻來寂寥懷抱難開悵汀洲道遠蘼蕪香滿園
林新笋已過春雷 描成蓮蒂織就雙飛恨添陌柳
肌瘦宮梅窓前石鼎煎茶自引殘煤萬里書歸空教
淚濕鸞臺採香萊倩誰傳寄與凝望徘徊

風入松

午江按察園亭陪仰翁夜燕同作

小堂籠燭絳紗明高論坐來聽追陪喜遇瀛洲客雙
龍劔萬里鵬程綠水園中夜燕煙花海上春城 一
時懷抱向君傾賓主共忘情金卮滿送蒲萄釀齊擊
節八韻俱成那用銀箏象管嬌歌漫倩流鶯

滿庭芳

賞海棠

翠幕含風畫闌收霧海棠開放朱門小筵羅綺環對
倒金樽箏院歌長日轉移席近清影紛紛渾強似荒
煙斷靄寒食杏花村 仙葩何處得人間異品海外
遙分問杜陵無詠高調誰存却愛圖花國手紫綿色
淺染春痕誰曾見宮妝睡起惆悵月黃昏

賞牡丹

綠暎丹霞香垂玉斗名花偏稱侯門畫堂春晝勝賞
列芳樽次第賓朋到也爭看取冠蓋繽紛圍屏麗清
歌妙舞不是野人村 天香和國色唐宮宋苑種族

南唐詞話卷一
三五
難分問洛陽游客臺榭誰存莫負良辰樂事都拚却
酒積衣痕諸君道聰明曠達那箇獨昏昏

過仰公官第留飲限韻

畫寢疑香金杯送液酸梅早試冰鹽雲鬟鐵撥那用
玉纖纖繡幕薰風乍轉愛華月懸映彫簷追陪慣宮
袍絳帳山斗坐頻瞻宵留遮莫取輕揮彩筆未褪
毫火聽鳴雞漏下睡鴨熏添遙憶梁園賦客更空慚
劍客虬髯裴回處一聲笙鶴警露韻偏嚴

戊申五月廿有八日與陳午江憲長燕仰峯
周公鎮洋山亭四限嚴韻各調滿庭芳四闕
即席俱成

第一限肢螭雌規脂茨綏推八韻

末日移桐熏風透葛誰嫌汗濕柔肢冰盤錦席玉竿
愛蟠螭今古偏關勝會何須問漢楚雄雌最喜是庭
陰砌影成矩又成規藕絲何處雪竹深蓮淨笑倩
凝脂正禾疇過雨絳暎茅茨不減看花問柳行厨簇
小隊文綏遮莫取歌翻樂府傳玩笑相推

第二限陵憑冰乘徵登層膺八韻

嫩絳葡萄生香竹葉鬱金渾勝蘭陵會如河朔長夏
果堪憑更愛南軒敞麗簾鈎翠簾展清冰翻笑殺王
猷杜甫夜雪興難乘君侯真愛士祥麟瑞鷲海岳
嘉徵見彤墀紫禁萬里重登偶向江東寄味雲牋積

彩墨千層同携手楚臺風快長嘯一披膺

第三限臍氏稽醯批睽奎題八韻贈谷

翠映龍涎金鏤睡鴨香憐寶麝燃臍騷壇白戰百萬
破秦氏久喜青雲故舊如管鮑誼勝山稽真箇是鸞
袍象簡白首念羨醯 雲司參憲臬禁煙常染嶺霧
曾批信風雲際會魚水非睽萬卷曾羅斗宿文章爛
光映珠奎行者取麟臺鳳閣勲業自天題

第四限馱蛾羅戈簑窠窩鵝八韻寓意贈

白雪龍城黃雲雁塞佳人駿馬曾馱琵琶調切一曲
歛雙蛾不盡思家戀國誰承望誼託松蘿惟分與咸
陽漢主不戰息干戈 無心隨越女五湖煙水一棹

漁簑記長門舊夢宮樹鴛窠却喜鸞書錦字從天降
毳帳雲窩常願逐同飛黃鵠比翼勝駕鵝

疎簾淡月

夏至日集晉兄太守宅

銀蟾影細漸透入湘簾墮堦金碎夏雨初晴愛殺碧
天如水人生只合花前醉早強如楚江形悴綠杯頻
送畫闌獨凭一聲簫起 更佳麗吳王國裏五湖浮
練萬山橫翠美景良朋都是太平時世冰盤共賞楊
梅味笑駝峰漫傳戚里玉堂天上熏風此夕問誰成
寐

千秋歲

四月二日集午江按察第

輕陰團砌嫩葛含風細人語靜楊花起香鋪吳錦軟
瑣捲湘簾翠開筵笑花枝醒却幽禽睡 逸興憑誰
寄殘醉杯重洗踈雨後斜陽裏間將詞按譜那聽歌
連袂渾勝似畫船搖颺銀塘水

夏初臨

立夏前一日與仰峰公午江按察燕晉川郡

侯南墅

畫鷁橫波金羈映柳城南透迤途長華屋開筵花間
迭奏笙簧曲闌環帶池塘對青尊笑語生香明朝新
夏薰風早來撩鬢微涼 江東詞社海內名流興同

元白書敵蘇黃霜毫霧縠題傳頻送霞觴斜照明妝
愛朱櫻翠幄分行判聯牀紗牕月高瑞靄浮廊

渡江雲

楊氏水樓

文娥經歲別晚春郭外無約偶相逢孝衣穿素縞恍
似霓裳乍離廣寒宮修齋設薦普救寺端的相同休
浪猜玉蘭花葉月下映塔空 江東芳姿難並妙轉
無雙許誰人厮共開小樓波含新綠暉帶殘紅低顰
唱罷凝雲調還又向繡佛筵中相送處徘徊此意何
窮

金人捧露盤

三月三日與吳中山輩集午山園

問婁城將軍墅是名園愛峰巒秀映庭軒芳池綠遶
好花修竹路交穿蘚生橋洞上臺榭不似當年 遇
良朋尋勝境塵世上幾人間道從來四美難全流觴
令節畫圖傳載古今憐與君休惜百壺醉落照花間

又

晝初長人相約到山園正牡丹開近南軒餘寒釀熱
綺羅衣服任人穿不教行樂酒頻勸恐負流年 笑
浮生空華髮無量福是清閒更香茶色味俱全童歌
鳥嘯夕陽池館倍堪憐洞天蓬島定誰見只在人間
多麗

燕竹隅秋官第

論從來駿馬明珠偏惜况逢他巨公傑士一時何怪
相得更疾家畫屏翠榜送瓊卮滿泛香碧未舞霓裳
慵歌金縷玉牋分調筆生五色也休比漢宮梁苑千
載坐中客華堂晚高檠散燭馥袖聯席 喜忘勢能
行古道愛才那語常格儘追隨好天涼夜未許關山
暮雲隔路遶青霄波明滄海鷗鵬高奮絕塵力向鑿
禁九重春樹仙佩定誰覓須教把塵緒惡懷日共拋
擲

念奴嬌

贈如竹季公 公以子封州大夫

家山安好羨長身蒼秀真如修竹勁節平生還自許
不比尋常林木皓月良宵清風來晝偏稱朱簾屋廣
庭無事佩環時弄鳴玉 貪看新籜虬龍兒孫茂盛
解錦綉華服貴與秦松同受領封誥 天恩深沃蔣
逕重開王輿應到蕭散元非俗此君堪伴歲寒相映
常綠

望海潮

憂雲趙君池亭小集次韻宗兄郡守

芙蓉池畔芭蕉亭上佳辰共舉觥籌身處江湖心存
杜稷能忘後樂先憂戎寇幾侵周戍兵滿西北千嶂
防秋衛霍功高范韓聲遠慕前修 憐君宅負良疇

喜黃雲映遶玉粒催收仙侶佩環賢侯騎從曾教月
下相畱兼味豈珍羞家山任吟賞誰擬三游逕菊還
期滿採同醉綠樽浮

金明池

贈鄭子

塵海名流詞林雅客混迹吳門酒肆空說劒虬髯易
老對佳景滿眼畫裏儘樓臺映接湖山漫寄興千古
娃宮禪寺况坐逸圖書門多冠蓋未信邛翁堪比
彩墨常堆牀頭字有玉玦新編最關人意賢王致招
語獨切親友向別筵空醉看從今賦雪梁園羨宋玉
風流才華偏美願彩染蒿花香分洛佩早託歸人遙

寄

過秦樓

周朝卿太倉衛中所百戶也嘉靖中兵部武舉擢本衛正千戶庚子與州衛諸官着出海攻南沙盜軍潰言官以聞詔使者械繫朝卿等十九人下法司嚴鞫一歲餘謫戍甘涼肅永諸州或病沒於邊或潛歸而殞其存者無幾朝卿雖有老親及妻王氏然念先世創業之勞國家賚恩之厚必欲樹功復其世官而總戎大師亦愛其才畱贊幕下且九年矣予既嘉閱朝卿志操又為同里人也為調過秦樓以望之其詞曰

聲續周郎才生吳地氣壓海濱諸將彫弧中柳兔筆生花武燕拜官天上因戰艦損鯨波徵入刑司謫教西向柰黃雲絕塞清笳荒堡戍兵來往同去日健骨還家游魂埋路謾數僅存三兩懷君惠渥傷祖功多獨戀總戎帷帳天意人謀會須平虜增光封侯酬相報堂開書錦重看家山慶賞

丹鳳吟

東涯張季翁截竹十竿長可五尺許並去其根環插臺上以架牡丹其南面中一竿上三節雖亦枯自三節下忽枝葉抽發父之根復繞出臺北觀者皆驚歎以為竒瑞季翁屬予為一詞且曰題竹非丹鳳吟不

可予既如約賀之并以祝其後人也

臺上名花誰護翠翦煙稍寒裁霜節圍簷撐架生怕
艷妝摧折當陽一柱挺然榮秀葉長扶疏根生蟠結
乍喜家人報語市里來觀還任途路傳說 種竹自
來不易况渠又着竿下載顯是天工巧愛湘江枝美
呈瑞偏別世間嘉慶合入畫圖常閱始信千秋前代
史記雷陽忠烈此君有意知紹昌俊傑

意難忘

寄仰峯周公二詞

吳柳三黃荷陽春布澤勝景開觴江毫憐吐繡韋寢
喜疑香驅穢濁挹清涼似月滿滄浪共慶瞻麟姿鳳
德玉質金相 樗才認錯無雙歎馮生易老漢署為
郎長懷知己報羞改逐時妝空悵望惹離腸燕樂苦
多妨願相君承恩魏闕早入明光

玉燭新

婁江人別後要寄取新詞幾回難就對花坐月相思
處又早更催寒漏龍興一郡總按節霜飛時候須報
道仙舫經吳青山照人羅袖 賢才自古多屯看滿
目繁華鏡中真否衆芳競鬪誰獨羨映水玉蓉孤瘦
鍾靈產秀喜俊傑人間稱首何況是烏府褒旌頻頻
具奏

喜遷鶯

懷仰峰公次韻

詞林從歇又過却兩番黃梅時節繫馬林塘聞鶯院
落幾負獸樽開列謾想寄書無便恨比桺絲顰結魚
雁杳問端陽此景觴歌誰發 愁絕偏入望白鳥度
江斜日山橫雪辨剪紅綃竿添綠玉葛袖好風吹徹
共傳扁符重佩名向金閨遙揭行看取宮袍拜舞
玉堦明月

送太府王公擢按察副使採木蜀中

荆湖人傑羨桂窟杏園春秋雙捷通籍金閨聯銜粉
署幾醉上林華月五馬拜遷名郡惠政徧流東浙未
兩載見嘉禾七縣民情歡悅 傳說賢太守擢拜憲

司玉秉西川節慎于霄旁求蔽壑要助 廟堂掀揭
會登 九重閣道陪侍夔龍稷契御爐曉任天香滿
袖拜恩 金闕

官居自適

嘉禾炎月愛殿閣無塵冰壺清徹柏秀桐花槐陰綠
轉端稱素王宮闕幾處簷楹題榜分映宮墻環揭最
喜是這繞庭裾佩新蒲堪結 殊絕何必讓瓊苑玉
堂綺繡人排列絳帳風高青氈味美厭聽市橋簧舌
辦取賞心樂事休負蘭薰頻蕪問世上有幾人知道
逍遙時節

滿朝歡 送郡守姜公昂附



P 44-45

笳鼓喧天見迎恩門外旌旗西指太守嚴程赴國都
朝 天子白叟黃童如蟻縱臥轍攀轅徒爾公行也
滿腹民情一車廂裝不起 人道龔黃便是料龔黃
節操未應如此月俸之餘只飲些寧波水此去榮遷
准擬念五縣饑荒誰倚願 天子借寇三年急忙來
整理

右廣東左參政寧波劉洪撰代一郡人言也此
詞真可謂實錄在途之人猶當傳誦况表於姜
公為孫壻者乎附載於此固宜其不敢蔽矣震
澤王文恪鑿銘其墓曰抑抑姜侯維行之揭皦
然不緇為彼玉雪 皇假近郡汝其予守色養

以終萬鍾奚有東海洋洋堅臥不起嗚呼姜侯
可謂君子吳縣楊南峯循吉載於纂修志略謂
為信史不誣莆田林見素俊為之表曰明古君
子中大夫左參政姜公恒頰之墓觀諸公之交
予則其平生信可徵矣乎

國

南月但一編集卷上

四六

